

Racoiüda dla refodam da tosser en lönesc, ai 22 de novëmber, dales 9.00 ales 10.00 a San Martin dan le magazin di stödafüch.

PLOANIES SAN MARTIN Y LUNGIARÜ

La Prozesciun de Jeunn, ch'an n'á nia sciafié da fá en chësta ota, gnará tignida n'atra ota ai 02, 03 y 04 de jügn 2022.

La Uniun dles Patrones dl Comun da S. Martin de Tor inviëia dötes les patrones dl Comun al Rorate dles Patrones it'a Lungiarü en sabeda, ai 4 de dezëmber, dales 18.00. Dedô é dötes inviades a mangé na pizza tla pizzeria Fornata a Lungiarü, olach'al al gnará fistidié por n pü' d'aurela cörta. Prenotesse präibel por tel. 339 82 25 275 (Paola) o tel. 338 99 18 326 (Lucia).

PLOANIA DA SAN MARTIN

Ai 28 de novëmber, pröma domënia d'Advënt, tignunse la gran mëssa por les families ch'i inviun da porté la gherlanda d'Advënt a benedí; la dessura di ciantadus sará rerservada al cuartet che cianta.

Al sará indôla lita dla Uniun dles Ères por i proscimi 4 agn; les zetoles, che é gnüdes y gnará partides fora, é da dé jö präibel dai 27 de novëmber cina ai 8 de dezëmber tla scatora che é da ciafe apé de dljia. Präibel tolede dötes pert!

PLOANIA DA LUNGIARÜ

Al vëgn injunté a chësta plata informaziuns da pert dl Consëi de Cöra nü.

Presentaziun dl liber por mituns „Olá é pa Max rové“ de Max Erlacher cun na mostra di contignüs dl liber y marcé de libri en sabeda, ai 4 de dezëmber, dales 14.00 ales 17.00 tl Ititut Ladin a San Martin.

Cörs dla Val Badia: Cun le proiet "Cörs dla Val Badia" é gnü ite 30.049 euro. An á podü daidé 29 families/porsones residëntes (83% ladines) cun contribuc de 23.845 euro. Deache la situaziun de meseria n'é por tröc nia gnüda miú periunse dër bel do osta spënorá sön le cunt "Cörs dla Val Badia", IBAN: IT29V 08010 58180 000302018519 por podëi daidé inant. Chi che á debojëgn é invia da s'infidé da damané do aiüt. Les domandes vëgn valutades da na comisciun. Tignun adöm! Info sön www.solidariete.it o ti ofizi KVV d'Al Plan y Badia.

„Raisc y ares“ - Mëte limic, l'infanzia é le cör dla porsona é le tema de dui referac cun discusiun cun le pedagogh sozial Walther Frontull, organisé dal Grup Ecuiliber en vëndres ai 26 de novëmber y le vëndres ai 3 de dezëmber dales 19.30 tl Istitut Ladin a San Martin. Ara nen vá de educaziun y prevenziun. Inviá é geniturs, insegnanc y interessá, l dui referac alda adöm, porchël é da se scrí ite a trames les sëres. Ai é por todësch, cun poscibilité da fá domandes y discusiun por ladin y talian. Azes ma sön prenotaziun cina ai 24 de nov. a info@jogn.org o Sorvisc Jogn 0474 523 070. green pass! I posc é limitá. Düc é bel invia.

Presentaziun dl film/documentar „In Fanes andata y ritorno“ de Paolo Vinati cun introduziun de Emilio Dallagiacoma sura la situaziun dles pastöres te Südtirol en jöbia ai 25 de novëmber, a Al Plan, salf dles manifestaziuns dales 20.00.



www.valbadiaonline.it/comunite

Plata dles Ploanies San Martin y Lungiarü

ploan Klaus Sottas 344 15 54 055 - ksottas@rolmail.net
siur curat Heinrich Perathoner 339 65 74 213
redaziun.anton.gasser@rolmail.net - 348 27 44 517 / 0474 523 194



21.11. - 28.11.21 nr. 52

ultimo termo por comunicaziuns: jöbia, dales 20.00


DOMËNIA DE CRIST RE - B

Vangele do Jan 18, 33-37

Pilatus â damanè Gejù: Este tö le re di iüdes? Gejù à respognü:
Dîjeste chësc de tüa bona, o é stè zacai d'atri che t'al à dit?
Pilatus à respognü: Sunsi iö forsc n iüda? To popul y i gragn proi t'à surandé a mé. Cî aste pa fat? Y Gejù à respognü:
Mi rëgn n'é nia de chësc monn. Sce mi rëgn foss de chësc monn, fössel mia jënt che combatess, ch'i ne ti gniss nia surandé ai iüdes. Mo mi rëgn n'é nia da chilò.
Pilatus ti à dit:
Chël ô di, che t'es impò n re?
Gejù à respognü:
Tö le dijes, iö sun n re.
Porchël sunsi nasciü y gnü tl monn, ch'i dais testimonianza por la verité.
Vignun che é dla verité ascuta mia usc!



*Gejù ti respogn a Pilatus "Mi rëgn n'é nia de chësc monn" y al dij de ester gnü a dé testimonianza dla verité.
Al dij che le rëgn de Dî é bele chilò danter nos ite y al le spliga cun paraboles:
cun le formënt che crësc sò adöm cun la zizania,
cun n ciamp olache la somënza ne tomia nia indlunch te de bun terac,
cun le pice granel de sënfi
che crësc sò gran mo che resta inultima impò ma n fostü.
Al é sciöche na perla por chëra ch'al paia la mëia da dé ia döt.
Al inviëia pesciadus ch'al incunta da ti jí do.
Al tëgn past cun chichessî, súa mësa é daverta a duc y al ne stluj fora degügn.
Al ti vá pomez ai amará y indemoniá y i varësc
y al ti mostra ala jënt l'amur dl Pere da chël che vignun pó jí y le cherdé "Abba".*

EDEMA	SAN MARTIN	LUNGIARÛ	 Ví, mia löm, a ilominé mi scür. Ví, mia vita, y ressuscitëieme dala mort, Ví, mi mede, y varësc mies plaies. Ví, flama dla bunté divina, brüsc demez i ficiuns de mi picia y impëia te mi cör la flama de to amur. Ví, tö mi Re, láscete jö sön le trone de mi cör y regnäia dailó deache tö su es mi Re y Signur. <i>Dimitri da Rostow</i>
21.11.21 FESTA DE CRIST RE <i>Domënia de Santa Zezilia</i> <i>Patrona dla Musiga Sacra</i>	9.00 Corona 9.30 Mëssa solëna por la Comunité por i proi vis y defunc + siur Bruno Maioni + + Monica y Tone Tolpeit	7.55 Corona 8.15 Mëssa solëna dla comunité	
22.11.21 Lönesc <i>Zezilia, Filemon</i>			
23.11.21 Dedolönesc <i>Columban, Clemens</i>	19.00 Mëssa Sepl Trebo, Pension Tor + Martin Sutto		
24.11.21 Dedemesaledema <i>André Dung-Lac y Compagns</i>		7.30 Mëssa por les Püres Animes + + dla fam. Sepl Clara, Sanví	
25.11.21 Jöbia <i>Catarina (patrona dlijia Picolin)</i>	7.30 Mëssa + Moritz Castlunger + + + + Milio y Ottilia Castlunger y Angelo y Marianna Call Corona por Vocaziuns		
26.11.21 Vëndres <i>Conrad, Sebald</i>	18.30 Adoraziun chîta 19.00 Adoraziun deboriada	7.30 Mëssa + + Franz y Veronica Costa düc i defunc dl Ustí Vedl	
27.11.21 Sabeda <i>Virgile, Oda</i>	19.30 Mëssa prefestia/Rorate Rorate por la Uniun dla Musiga Rorate por la Crusc Blanca dl ann + Emma Trebo Conrater <i>(al sona n grup dla Musiga)</i>	18.00 Mëssa prefestia/Rorate + + dles families de Pio y Emma Clara dl ann + Paul Daporta, Grones	
28.11.21 PRÖMA DOMËNIA D'ADVËNT - C <i>Domënia dla Dlijia te ciasa</i> <i>dales 19.00 sona les ciampans</i>	9.00 Corona 9.30 Gran Mëssa cun les families Benedisciun dles gherlandes d'Advënt de rengr. families de Sepl y German Frenner de rengr. fam. Lorenz y Elisabeth Planatscher <i>(al cianta n quartet de jones)</i> 19.00 Invit a s'abiné tles ciasas al'oraziun	7.55 Corona 8.15 Gran Mëssa/Rorate por la comunité Rorate por la Uniun di Èi	